



Broj: UP09-07-1-2064/22

Sarajevo, 14.09.2022. godine

Ministarstvo pravde Bosne i Hercegovine, rješavajući zahtjev Udruženja geologa u Bosni i Hercegovini, sa sjedištem u Ilidži, ulica Ustanička broj 11, u predmetu upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine («Službeni glasnik BiH», br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija («Službeni glasnik BiH», broj 68/18), donosi

RJEŠENJE

1. U Registru udruženja Ministarstva pravde Bosne i Hercegovine, kod Udruženja geologa u Bosni i Hercegovini, sa sjedištem u Ilidži, ulica Ustanička broj 11, upisanog pod registarskim brojem: RU-253/05, Knjiga I Registra, dana 24.02.2005. godine, upisuju se promjene, kako slijedi:

- Usvajanje Statuta Udruženja Broj: 95/22 od 07.06.2022. godine.
- Mijenjaju se ciljevi i djelatnosti Udruženja, tako da isti glase: Promocija novih dostignuća u oblasti geoloških nauka te njihova primjena u geološkim istraživanjima i inženjerskoj praksi, promocija zaštite okoliša i geološkog naslijeđa; promocija i održavanje različitih oblika edukacije i praktične primjene geologije u javnosti; učestvuje u javnim raspravama kod donošenja zakona iz oblasti geologije; promocija profesionalnosti i etičkih standarda u nauci o Zemlji; način realizacije navedenih ciljeva se ostvaruje putem održavanja seminara, savjetovanja, predavanja, kongresa, izdavanjem publikacija, brošura i uputstava.

- Upisuju se lica ovlaštena za zastupanje Udruženja u pravnom prometu:

Ferid Skopljak, predsjednik Upravnog odbora
Alojz Filipović, potpredsjednik Upravnog odbora i
Branko Ivanković, potpredsjednik Upravnog odbora.

- Imenovanje predsjednika Skupštine Udruženja, Upravnog odbora Udruženja i Sekretara Udruženja.
- Udruženje se razvrstava za sljedeća područja djelovanja:

9.OBRAZOVANJE, NAUKA I ISTRAŽIVANJE i 15. ZAŠTITA OKOLIŠA I PRIRODE.

2. Ovo Rješenje će se objaviti u „Službenom glasniku BiH“, o trošku podnositelja zahtjeva.

O b r a z l o ž e n j e

Udruženje geologa u Bosni i Hercegovini, sa sjedištem u Ilidži, ulica Ustanička broj 11, upisano pod registarskim brojem: RU-253/05, Knjiga I Registra, dana 24.02.2005. godine, podnijelo je

12.09.2022. godine, putem ovlaštene osobe Zahtjev za upis promjena u Registru udruženja ovog Ministarstva.

Podnositelj zahtjeva je uz Zahtjev priložio slijedeću dokumentaciju: Zapisnik sa sjednice Skupštine Udruženja od 07.06.2022. godine; Spisak prisutnih članova Skupštine; Odluku o usvajanju novog Statuta Udruženja Broj: 99/22 od 07.06.2022. godine; Statut Udruženja Broj: 95/22 od 07.06.2022. godine, u dva primjerka; Odluku o imenovanju organa Udruženja Broj: 98/22 od 07.06.2022. godine; ovjerene potpise i fotokopije ličnih karata lica ovlaštenih za zastupanje Udruženja u pravnom prometu i dokaz o uplati administrativne takse.

Uvidom u priloženu dokumentaciju utvrđeno je da su ispunjeni uslovi propisani članom 43. stav 2. Zakona o udruženjima i fondacijama Bosne i Hercegovine i člana 4. Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja za Udruženje geologa u Bosni i Hercegovini, pa je riješeno kao u dispozitivu.

Na ovo Rješenje naplaćena je administrativna taksa u iznosu od 50,00 KM u skladu sa TAR. Brojem 108. Odluke o dopuni tarife administrativnih taksi. („Službeni glasnik BiH“ broj: 73/17).

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



Dostavljeno:

- Udruženje geologa u Bosni i Hercegovini
Ulica Ustanička broj 11, 71210 Ilidža,
i ovjeren primjerak Statuta Udruženja
Broj: 95/22 od 07.06.2022. godine;
- Zbirka isprava;
- JP NIO "Službeni list BiH"